

الأنبياء الصغار

ملاخي

عتاب الله لشعبه

ربنا صعبان عليه جداً بعد ما جمع شعبه من السبي و عَقَلَ معاهم أعمال عظيمة إنهم يبعدوا عنه ... فبيعاتب شعبه ... و العتاب له نتيجة من 2: توبة صادقة .. يعقبها خلاص ... أو عناد و تذمر ... يعقبهما رفض

! أسفار الأنبياء الصغار ممكن تقول أقل أسفار بنقراها أو بنعدّي عليها من غير ما نفهمها ... رغم إنها مليانة نبؤات مهمة جداً عن ربنا و عن الكنيسة لدرجة إن كنيستنا في أسبوع الآلام (أقدس أسبوع في السنة اللي بيركّز على الصليب) بتقرا كثير جداً من أسفار الأنبياء الصغار

i عن السفر



✍ عن الكاتب:

- معنى الاسم: "ملاخي" أو "رسولي" .. و ال "ي" اللي في الآخر في العبري تعود على ربنا (يهوه) ... فمعنى اسمه ملاك الله ... يعني إنسان له تكريس و رسالة
- فترة النبوة: بعد الرجوع من سبي بابل ب 100 سنة تقريباً ملاخي هو آخر أنبياء العهد القديم قبل يوحنا المعمدان ... زمن نبؤته تقريباً قبل السيد المسيح ب 400 سنة

☰ عدد الإصحاحات: 4

? ظروف الكتابة:

- وقت الرجوع من السبي (وقت نحميا النبي و عزرا) بنوا الهيكل و كان نفسهم يرجعوا يبنوا أورشليم من ثاني و يرجعوا زي ما كانوا مملكة ربنا القوية و يبجي المسيح زي داود ...
- بس الناس كانوا وحشين فمحصلش ... بل كانوا في فساد و فقر و بعد كامل عن ربنا

○ عشان كده في الفترة دي استمرا النبوات هدفها تقول للناس حاجتين: توبوا ... و المسيح جي

👉 السفر موجّه لمين؟ شعب مملكة يهوذا العائدين من السبي

✉ هدف السفر:

- سفر ملاخي 4 إصحاحات ... أول 3 منهم عتاب و الرابع ملخص و نبوة
- طريقة العتاب من ربنا لشعبه في السفر ده في صورة حوار ... ربنا بيعاتب الشعب و يكشف لهم فسادهم و بعد كده الشعب بيعترض على ربنا و بعد كده ربنا بيرد على الشعب
- طبعاً شعب ربنا في العهد القديم = احنا في العهد الجديد ... فلابزم ناخذ الكلام لينا و نركّز عشان مانزغّش قلب ربنا

☰ ترتيب السفر

إصحاح 1 : 2 - 5

عتاب #1: ليه مش حاسين بمحبّتي؟

دي النقطة الرئيسية في علاقتنا بربنا: حاسين بحبنا له؟

إصحاح 1 : 6 لحد إصحاح 2 : 9

عتاب #2: فين كرامتي؟

ربنا كأب و سيد لازم يكون له كل التعظيم و التكريم

إصحاح 2 : 10 - 16

عتاب #3: كفاية خيانة

ربنا من إخلاصه و طيبته بيدور على شعبه الخائن و يحاول يرده

إصحاح 2 : 17 لحد إصحاح 3 : 5

عتاب #4: هو فين ربنا؟

ربنا بصبر عظيم بيدور على بجاحة هذا السؤال من الشعب

إصحاح 3 : 6 - 12

عتاب #5: ارجعوا إليّ

هو ده الغرض من العتاب: التوبة و الرجوع

إصحاح 3 : 13 - 18

عتاب #6: مش فارقة نعبد ربنا أو لأ!

نقطة مهمة جداً في طريقة حكمنا على الأمور

إصحاح 4: 1 - 3

نبوة #1: يوم الدينونة

بعد كل العتاب و المحاولات دي لو مافيش توبة هايكون فيه دينونة

إصحاح 4: 4 - 6

نبوة #2: مجيء السيد المسيح

آخر و أهم نبوة في العهد القديم أو الجديد: ربنا جي

ملخص السفر

1: عتاب #1: ليه مش حاسين بمحبتي؟



- ربنا طبعاً بيقتصد هنا شعب إسرائيل (أولاد يعقوب) ... اللي ربنا اختارهم و عمل معاها عهد و عجائب و عظام لا تُعدّ ... رغم إن يعقوب و عيسو اخوات, ربنا اختار يعقوب
- طبعاً ربنا لا يكره أحد ... و اختار يعقوب بسابق علمه إن يعقوب هيتوب و يبقى كويس ... رغم إن يعقوب و عيسو بدأوا وحشين إلا إن يعقوب تاب و طلب ربنا ... عكس عيسو اللي باع البكورية و كان "مستبيح" و راح اتجوّز و ثنيات جلب مرارة بيهم لإسحق و رفقة ... **يعني عيسو - كمنهج -**

يمثل منهج الإنسان المصمم يبعد عن ربنا، بينما يعقوب المفروض يكون هو اللي دايق حب ربنا

- طبعاً شعب عيسو (أدوم) بعد كده أصبح خراب و انتهى (زي ما موجود في نبوة عوبيديا) ... دي نهاية أي إنسان بيصمم يبعد عن ربنا

أحببتكم، قال الرب. و قُلْتُ: بَمَ أحببتنا؟ أليس عيسو أخاً ليعقوب، يقول الرب، و أحببت يعقوب وأ بغضت عيسو

ملاخي 1 : 2 و 3

رسالة الكتاب المقدس: ربنا بيحبنا

نتعلم إيه؟

حاجة صعبة جداً على ربنا كأب طيب إنه يحبنا كل الحب ده و يلاقي منا جحود و نكران كده ... رغم كل ده بيفضل بيحبنا على طول

🙏 يا ترى احنا حاسين بمحبة ربنا لينا و بنشكره عليها؟ ولا زي ما قالوا هم بنقول جوانا لفاديننا و مخلصنا: بَمَ أحببتنا؟

2: عتاب #2: فين كرامتي؟



- طبعاً الذبيحة كان ليها شروط إنها تكون بلا عيب ... لكن في الزمن ده مش بس الشعب، حتى الكهنة احتقروا ربنا ... و بقوا لما يشوفوا خروف فيه عيب و مش هيتباع يقدموه ذبيحة
- منتهى عدم الاحترام لربنا!! انتم بتقولوا علي سيد و رب لكن مافيش أي احترام خالص و النتيجة طبعاً إن ربنا مش قابل التقديمه دي

الابن يُكرِّم أباه، و العبد يُكرِّم سيده. فإن كنت أنا أباً، فأين كرامتي؟ و إن كنت سيِّداً، فأين هيَّيتي؟

ملاخي 1 : 6


محبة ربنا مش معناها أبداً عدم احترامه أو مهايبته بل بالعكس تماماً ... هو إلهنا و سيِّدنا

نتعلّم إيه؟

ربنا بيفرق معاه جداً درجة حبنا ليه و ده بيبان في كلامنا و صلاتنا و اهتمامنا

🙏 يا ترى احنا في صلاتنا و تقدمتنا بندي ربنا أحسن حاجة و الغالي عندنا؟ ولا 'الأعمى و الأعرج و السقيم'؟

3: عتاب #3: كفاية خيانة



- من أول يوم ربنا قال لشعبه ماتتجوزوش من الشعوب الثانية ... لكن هم اتجوزوا من الشعوب الثانية و انتشر بينهم الخيانة و الطلاق
- و بعد كده بيروحوا يقدموا تقدماتهم و يمثلوا الدموع و التأثير!! طبعاً ربنا مش قابل الكلام ده!!

لأن يهوذا قد نجس قدس الرب الذي أحبه، و تزوج بنت إله غريب ... من أجل أن الرب هو الشاهد بينك و بين امرأة شبابك التي أنت عذرت بها، و هي قرينتك و امرأة عهدك.

ملاخي 2 : 11 و 14

فرق كبير جداً بين الزواج المسيحي كسر مقدس ... و بين فكر الزواج في العالم كطريقة للبحث عن السعادة حتى مع شخص مختلف كل شوية

نتعلم إيه؟

الموضوع ده واضح عند ربنا و ممنوع و مرفوض مهما كانت الحجج البشرية الواهية

يا ترى أنا قلبي مع ربنا؟ ولا باروح الكنيسة أمثل التأثير و بعدها أخرج أكمل بعيد عن ربنا؟

4: عتاب #4: هو فين ربنا؟



- بيعملوا كل ده و بعدين بيتهموا ربنا إنه مش معاهم, بل بيعيبوا عليه إنه ظالمهم!!
- و الحقيقة ربنا جاوبهم هنا بنبوة تحمل رجاء و تهديد عن "يوم الرب" ... يوم الرب في الكتاب المقدس له معنيين:
 1. مجيء السيد المسيح الأول الفدائي
 2. المجيء الثاني و الدينونة
- و طبعاً يوم الرب بالنسبة للناس الي ماشية مع ربنا هيبقى يوم منتظر جداً ... بينما الناس البعيدة عنه هيبقى ليهم يوم مخوف جداً

لقد أتعبتم الرب بكلامكم. و قُلْتُمْ: «بِمَ أتعبناه؟» بقولكم: «كل من يفعل الشر فهو صالح في عيني الرب, و هو يُسرّ بهم». أو: «أين إله العدل؟»

ملاخي 2 : 17

حماقة و جهل في التفكير عندنا ... كلامنا ده بيتعب ربنا

نتعلم إيه؟

ربنا مطرّل أناته علينا عشان نتوب و نرجع ... لكن في يوم الدينونة هايكون القاضي العادل اللي يجازي كل واحد حسب أعماله

يا رب إِدِّينِي خَوْفَ مقدس و دمّوع توبة أستعد بيها لليوم ده

5: عتاب #5: ارجعوا إليّ



- ربنا من محبته و حنّيته علينا لا يشاء أن نهلك بل أن نخلص ... بيدعونا نرجع إليه
- حتى في الحاجات البسيطة جداً ... ربنا يقول لهم إِدِّونِي العشور و أنا أفتح لكم كوى السماوات ... يا كرمك يا رب!!

ارجعوا إليّ أرجع إليكم، قال رب الجنود. فقلّتم: بماذا نرجع؟ أيسلب الإنسان الله؟
فإنكم سلبتموني. فقلّتم: بم سلبناك؟ في العشور والتقدمة.

ملاخي 3 : 7 و 8

هو ده بالظبط اللي بيحصل ... العشور (حاجة قليلة جداً) لو قصّرنا فيها نبقى بنسرق حاجة ربنا

نتعلّم إيه؟

الرجوع لربنا ببداً بخطوة ... خطوة واحدة الواحد ياخذها في طريق ربنا، ربنا يرد ببركة عظيمة تسند و تشجّع

هل أنا بخيل مع ربنا ولا أعطيه مما أعطاني (في كل حاجة) واثق في بركته؟

6: عتاب #6: مش فارقة نعبد ربنا أو لا!



- الشعب ده قاسي و فاسد جداً!!! يقولوا لرب الجنود: إيه المنفعة لو عبدناك؟ ما الأشرار ماشيين كويس
- ربنا قال لهم: اللي هيحفظ كلمتي و يعمل بها (الكتاب المقدس) هم دول اللي هيخلصوا في "يوم الرب"

قلتم: عبادة الله باطلة، و ما المنفعة من أننا حفظنا شعائره، و أننا سلكنا بالحزن قدام رب الجنود؟ و الآن نحن مطوبون المستكبرين و أيضاً فاعلو الشر يبنون. بل جربوا الله و نجوا

ملاخي 3 : 15

منتهى الحماسة و الحكم على الظاهر ... و الفهم الخاطئ لتأني الله على الخطاة ... و الفهم الخاطئ لمكافأة الله للأبرار

نتعلم إيه؟

في نظرنا للناس لازم مايبقاش عندنا سطحية ... السعادة و الخير مش في الغنى أو في السلطة

يا ترى أنا بابص على الناس البعيدة عن ربنا و بيبقى نفسي أعمل زيهم؟ ولا نظرتي
بمحبة و إشفاق لو متابوش؟ و عارف إن فيه يوم للدينونة، و ربنا مطوّل أناته على الكل
عشان يديهم فرصة يخلصوا

7: نبوة #1: يوم الدينونة



- نبوة عن يوم الدينونة ... يوم هلاك الأشرار اللي صمموا يبعدوا عن ربنا ... و يوم فرح الصديقين اللي تمسكوا بربنا

و لكم أيها المُتَّقون اسمي تُشرق شمس البر و الشفاء في أجنتها، فتخرجون و تنشأون كعجل الصيرة.

ملاخي 4 : 2

دي مكافأة من ينتظر الرب ... يُشرق عليه شمس البر (ربنا يسوع) ?

نتعلّم إيه؟

من يصبر إلى المنتهى فذاك يخلص ... و ينال البركة و الحياة الأبدية

🙏 يا رب خليني أشواق لخلاصك و يومك المهبوب و أستعد له بالتوبة

8: نبوة #2: مجيء السيد المسيح

4:4-6 CONCLUDING APPENDIX TO THE TORAH & PROPHETS



- SUMMARIZES THE TORAH & PROPHETS AS A UNIFIED STORY THAT POINTS TO THE FUTURE...

- ...WHEN GOD WILL SEND A NEW MOSES & ELIJAH TO RESTORE GOD'S PEOPLE & HEAL THEIR HEARTS. (REMEMBER DEUTERONOMY 30, JEREMIAH 31, EZEKIEL 36) ❤️❤️

- بينتهي سفر آخر أنبياء العهد القديم بجملة ختامية: افتركوا كل كلام ربنا اللي كلمكم بيه
- و نبوة عن يوحنا المعمدان اللي جه بروح إيليا (زي ما قال السيد المسيح) و رد الناس بالتوبة و هيتأهم لمجيء السيد المسيح

اذكروا شريعة موسى عبي التي أقرته بها في حوريب على كل إسرائيل. الفرائض
و الأحكام. هأنذا أرسل إليكم إيليا النبي قبل مجيء يوم الرب، اليوم العظيم و
المخوف

ملاخي 4 : 4 و 5

آخر آية في نبوات العهد القديم: احفظوا وصايا ربنا لأنه جي

نتعلم إيه؟

هو ده دورنا ... نلهج في كلام ربنا نهار و ليل عشان ماننساهاوش

يا رب كلمتك مغذية و مشبعة جداً ... خليها تكون مصدر تعزيتي و بهجتي في حياتي 🙏



المراجع 📖

- موقع The Bible Project
- وعظة أبونا داود لمعي من برنامج فتشوا الكتب
- موقع القديس ت كلاهيمانوت